

A NOSA HISTORIA

Do ano 1997 ó 1999, a asociación "As Lagoas" xunto co Concello de Bueu viñan organizando varios encontros de embarcacións tradicionais na vila, recuperando o bote polbeiro que leva o nome "as lagoas".

Este tipo de embarcación, chamada polos mariñeiros da ría "Os Galos" pola arrogancia coa que surcaban as augas, adicábase case exclusivamente á pesca do polbo.



Tralos cambios no sector pesqueiro, no litoral galego escasean este tipo de barcos, convertíndose en pezas de museo ou leña da fogueira de San Xoan, exceptuando algunhas dornas e gamelas, estando a punto de desaparecer outras como o bote polbeiro e o xeiteiro.

Por estas datas, un veciño de Pescadoira, Victor Domínguez, faise cargo do bote polbeiro e navega con el, invitando a quen quixera compartir a súa paixón polos barcos e o entorno mariño. Con esta mesma inquedaanza atópanse Fran Freire, o noso secretario, Antón Pais, o presidente, que xa traballara na organización de outros encontros, Fernando, Lolo, Paco e Marta coa dorna "A Martola", e algúns máis.

O encontro de embarcacións en Rianxo no 99, motivou a este grupo de amigos a toma-la iniciativa de facer algo para que non se perderan as embarcacións de sempre, a tradición dun pobo mariñeiro. Con esta idea na cabeza e ganas de traballar, contactan coa asociación de Portonovo e coa Federación Galega pola Cultura Marítima, rexistrándose a Asociación de Embarcacións Tradicionais Galegas "Os Galos" de Bueu cos obxectivos da promoción, difusión e posta en valor do patrimonio marítimo.

Na actualidade a asociación conta con 174 asociados, encargándose un grupo moi reducido do mantemento e recuperación dos barcos. Gracias a eles e con algunhas axudas da administración e empresas colaboradoras, a asociación ven facendo unha interesante labor na revalorización da cultura marítima tradicional, contando cun total de dez embarcacións, dispoñibles para navegar:

Restaurante

Ramón

Churrasquería

Playa de agrelo
Telf. 986 321 371

Bueu
(Pontevedra)

A de Pedro



- Vinos
- Bocatas
- Platos Combinados


TEL. 986 30 02 47 - CANGAS

o bote polbeiro "As Lagoas", o xeiteiro "Os Galos", a traíñeira "Pescadoira", a dorna "Banda do Río", tres gamelas e una dorna pequena; e ten en proxecto recuperar outras que están na cetárea ou na carpintería de Purro á espera de volver a reflotar, é o caso do choupán (gamela de 2 proas), o delfin (un polbeiro con motor), dornas pequenas, gracias a xenerosidade dos particulares que dun xeito desinteresado nos cederon as súas vellas embarcacións para recuperalas e formar parte do patrimonio común da asociación. Para conseguilo é importante contar có apoio dos socios, algunha axuda económica e principalmente puntos de amarre, sendo actualmente a nosa reivindicación máis urxente a necesidade de atraques para as embarcacións.

Os vindeiros días 14 e 15 de agosto as augas de Bueu acollerán a distintas embarcacións tradicionais a vela e a remo, coa celebración do VIII encontro, convertíndose nunha festa da cultura e patrimonio marítimo, estando invitadas tódalas embarcacións da Federación Galega e particulares que se acheguen, por mar ou terra, a Bueu.

Os que participaron en edicións anteriores, tiveron a oportunidade de disfrutar, contemplar ou navegar en dornas, botes polbeiros, xeiteiros, galeóns, gamelas e outras que viñeron dende O Grove, Combarro, Coruxo, Illa de Arousa, Marín, País Vasco, Portugal, A Bretaña, ...

A Asociación de Amigos das Embarcacións Tradicionais "Os Galos" queren animar ós veciños da comarca a participar neste VIII encontro e disfrutar desta riqueza cultural tan nosa e tan descoñecida. Da que xa dou conta na súa obra o veciño Steffan Mörling, colaborador da asociación, a quen dende estas páxinas brindámoslle o noso recoñecemento.



MADERAS FREIRE S.L.



ASERRADERO Y MADERAS EN GENERAL

c/ Montero Ríos, 26 Tel. 32 00 66
BUEU Ptlar. 32 03 70

RESTAURANTE - BAR



BAR CELTA

VIÑOS E TAPAS
ESPECIALIDADE: PULPO E PEIXES

Alfredo Saralegui, 28 - CANGAS DO MORRAZO
Tfno. 986 30 00 88